


Museo Arqueologico Nacional Aruba habri 1 aña pa publico

Salanan di exposicion cera den weekend di luna di Augustus pa evaluacion



portanan pa publico. Brigada hubenil di MANA simbolicamente a habri e piñata di 1 aña. Personal y voluntarionan di MANA a canta 'happy birthday' pa asina na un manera alegre y simbolico a uni nan voz pa celebra e prome aña cu a MANA a habri y a mira back riba un aña na cual conhuntamente a logra hopi.

Museo Arqueologico Nacional Aruba (MANA) a habri su salanan di exposicion na 26 di Juli 2010 cu un anochi di celebracion riba e plein dilanti di Museo sigui pa un siman di actividadnan publico, manera anochinan di Cafe Cultural, un "lunchlezing" y actividadnan vacacional pa muchanan y hobennan. Alavez cu e salanan permanente a habri tambe un exposicion temporario cu e tema "Rancho" como un homenaje na e bario unda e Museo nobo a ubica. Durante curso di aña a keda ofrece diferente actividadnan publico, manera guianan pa e arqueologonan den weekend.

Den e ultimo aña MANA a registra 9647 bishitante den su salanan di exposicion. Esaki ta sin conta participantenan na programan vacacional y otro actividadnan publico manera Cafe Cultural.

Banda di e programa publico MANA a sigui cu su trabaoan cientifico. Na un tereno na St. Cruz pa prome



biaha a haya prueba di canalnan di irrigacion. Otro trabaoan di excavacion cu a duna resultadonan importante tabata na Oranjestad na Februari. Akinan a haya material arqueologico Amerindio interesante cu ta muestra den direccion cu probablemente tabata tin un aldea Amerindio na Oranjestad.

Tambe a haya material arqueologico cu ta reflesha e desaroyonan religioso, social, politico y economico cu por haya back den bukinan di historia di Aruba. Na juni di e aña aki MANA a cera un convenio di investigacion cientifico cu Universidad di Leiden. Conhunto cu cientificonan di e institucion

aki ta ehecutando tres proyecto di investigacion di ceramica, di piedra y di diente.

Actualmente MANA ta draai programan vacacional "Exploradornan na Museo" pa mucha y hobennan. Ainda tin algun lugar pa otro siman y por yama 582-8979 of pasa na balie pa inscribi. Pa luna di Augustus MANA ta adapta su orario y lo cera su salanan di exposicion durante weekend pa asina haci un evaluacion di e aña cu a pasa. Pa luna di Augustus MANA ta habri di diamars pa diabierna di 10'or di mainta pa 5'or di atardi. MANA ta keda na Schelpstraat 42.

ORANJESTAD (AAN): Dialuna dia 26 di Juli 2010 personal y voluntarionan di Museo Arqueologico

Nacional Aruba a celebra brevemente cu un lunch festivo na Museo, cu un aña pasa Museo a habri su

Telefonan di DIARIO
582-6747 / Fax: 582-8551